

Иффат – зинодан сақланишдир | Тазкия дарслари (319-дарс)

ТАЗКИЯ
319-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 01.03.2025 2362

Иффатнинг бошқа бир маъноси – зинодан сақланишдир. Бу ҳақда Аллоҳ таоло шундай марҳамат қилади:

فَضْلِهِ مِنْ اللَّهِ يُغْنِيهِمْ حَتَّى نِكَاحًا يَجِدُونَ لَا الَّذِينَ وَلَيْسَتْ عَفِيفٍ

«Никоҳ(имкони)ни топа олмаганлар, то Аллоҳ уларни Ўз фазлидан бой қилгунича, иффатларини сақласинлар» (Нур сураси, 33-оят).

Ушбу оятда уриниш ва ҳаракатлар билан ҳам никоҳли бўлиш имконини топа олмаганлар нима қилишлари лозимлиги баён этилмоқда.

Никоҳга имкон топа олмаяпман, деб ҳаром йўлга юриб кетмасинлар. Иффатларини сақласинлар.

Ҳалолга имкон топа олмаганлар учун ҳаромдан иффатларини сақлашнинг энг яхши йўлини эса Расулуллоҳ соллаллоҳу алайҳи васаллам кўрсатиб берганлар:

???? ?????? ?????? ????? ????????????? ?????? ??????
??????: ?????? ?????? ?????????? ?????? ????????? ??????
?????????? ?????????????: «??? ?????????? ??????????????
????? ?????????????? ?????????? ??????????????
????????????????????????? ?????????????? ?????????? ??????????????
????????????????? ?????????????? ?????????? ?????? ??????????????
????????????????? ?????????????????? ?????????????? ?????? ??????????».
????????? ?????????????????? ??????????????

Абдуллоҳ ибн Масъуд розияллоҳу анҳудан ривоят қилинади:

Расулуллоҳ соллаллоҳу алайҳи васаллам бизга:

«Эй ёшлар жамоаси, сиздан ким никоҳга қодир бўлса, уйлансин, чунки у (уйланиш) кўзнинг тийилиши ва фаржнинг поклигидир. Ким қодир бўлмаса, унга рўза лозим, чунки у (рўза) анинг учун бичилишдир», дедилар».

Бухорий ва Муслим ривоят қилишган.

Яъни рўза тутиб юрса, шаҳвати қўзиши камаяди, иффатини сақлаш осонлашади.

Расулуллоҳ соллаллоҳу алайҳи васаллам никоҳга қодир бўла олмаганларни Аллоҳ таоло Ўз фазлидан бой қилиб қўйишининг йўлларида бирини ҳам кўрсатиб берганлар:

???? ????? ????????????? ?????? ?????? ??????? ??????:

????? ?????????? ?????? ??????? ?????? ??????????

?????????????: «????????????? ?????? ?????? ??????

?????????????: ?????????????????? ?? ? ?????????? ???????

????????????????????? ?????????? ?????????? ???????????????

????????????????? ?????????? ?????????? ??????????????».

????????? ?????????????????????.

Абу Ҳурайра розияллоҳу анҳудан ривоят қилинади:

Расулуллоҳ соллаллоҳу алайҳи васаллам:

«Уч кишига Аллоҳ учун ёрдам бериш ҳақдир: Аллоҳнинг йўлида ғазот қилувчига, шартномасини адо этишни истаган мукотабга ва иффатни ирода қилиб никоҳни хоҳлаганга», дедилар».

Термизий ривоят қилган.

Аллоҳнинг йўлида жиҳод қилишни истаган мужоҳид ғозийга пул-мол ва бошқа нарсалар ила ёрдам бериш қанчалик савоб иш экани ҳаммага маълум. Уйланиб, иффатини сақламоқчи бўлган шахсга ёрдам бериш ҳам қанчалик савобли иш экани ушбу ҳадисдан очиқ-ойдин англашилиб турибди.

Иффат фақат ёшлар учун эмас, кексалар учун ҳам фазилатдир. Аллоҳ таоло бу ҳақда марҳамат қилиб, қуйидаги ояти каримани нозил қилган:

عَلَيْهِنَّ فَلَيْسَ نِكَاحًا يَرْجُونَ لَأُتَى النِّسَاءُ مِنَ الْقَوَاعِدِ

وَأَنْ بَرِيَّةٍ مُتَبَرِّجَةٍ غَيْرِ ثِيَابِهِنَّ يَضَعْنَ أَنْ جُنَاحُ

عَلِيمٌ سَمِيعٌ وَاللَّهُ لَهَبٌ خَيْرٌ يَسْتَعْفِفُ. ٦٠

«Аёллардан (кексайиб) ўтириб қолган, никоҳни умид қилмайдиганларига зийнатларини кўз-кўз қилмаган ҳолда кийимларини қўйишларида гуноҳ йўқдир. Иффатларини сақласалар, ўзлари учун яхшидир. Аллоҳ ўта эшитувчидир, ўта билувчидир» (Нур сураси, 60-оят).

Ушбу оятдаги «кийимлари»дан мурод катта ёпинчиқ ва устдан кийиладиган ридодир.

Аёл киши ўта қариб, никоҳдан умуман умидсиз бўлиб қолганида паранжичиммат қилмаслигига рухсат бор. Лекин шундай бўлса ҳам, иффатларини сақлаганлари ўзлари учун яхшидир.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.